



Na osnovu člana 22 Statuta Brčko distrikta BiH – pre išeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10) i člana 10 Zakona o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08), Skupština Brčko distrikta BiH, na 30. redovnoj sjednici održanoj 26. marta 2014. godine, donosi

**ODLUKU**  
**O POKRETANJU POSTUPKA IZBORA KONTROLORA KVALITETA RADA UREDA**  
**ZA REVIZIJU JAVNE UPRAVE I INSTITUCIJA U BRČKO DISTRIKTU BiH ZA 2014.**  
**GODINU**

**Član 1**

Pokreće se postupak izbora kontrolora kvaliteta radi profesionalnog ocjenjivanja rada Ureda za reviziju javne uprave i institucija u Brčko distriktu BiH za 2014. godinu i imenuje Komisija za praćenje realizacije postupka izbora kontrolora kvaliteta i ugovornih obaveza s izabranim kontrolorom kvaliteta, u sljedećem sastavu:

1. Ivan Krndelj, predsjednik;
2. Zijad Nišić, član;
3. Adnan Drapić, član;
4. Slobodanka Čurčić, član;
5. Miodrag Peranović, član.

**Član 2**

Kontrolor kvaliteta iz člana 1 ove odluke izabrat će se u skladu sa Zakonom o javnim nabavkama BiH i Instrukcijom gradonačelnika o postupku nabavke roba, obavljanju usluga i ustupanju radova u Brčko distriktu BiH.

**Član 3**

Zadatak Komisije je da:

- a) u saradnji sa Stručnom službom Skupštine pripremi tendersku dokumentaciju za postupak izbora kontrolora kvaliteta u skladu sa Zakonom o javnim nabavkama BiH;
- b) prati izvršenje ugovorenih usluga izabranog kontrolora kvaliteta;
- c) provjeri kvalitet usluga koje su izvršene, odnosno da li su iste izvršene u skladu sa zahtjevima postavljenim tenderskom dokumentacijom i ponudom;
- d) sačiniti i potpiše potvrdu o kvalitetu izvršenih usluga;
- e) sačiniti zapisnik o razlozima neprijema usluga ukoliko kvalitet ili količina isporučenih usluga ne odgovaraju traženom kvalitetu ili količini;
- f) sastavi pismeni izvještaj o izvršenim uslugama u pogledu kvaliteta, količine i roka izvršenja usluga i dostave ga Skupštini Brčko distrikta BiH.

**Član 4**

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02 -262/14

Brčko, 26. 3. 2014. godine

**PREDSJEDNIK**  
**SKUPŠTINE BRČKO DISTRIKTA BiH**  
**or a Koji**

Dostavljeno:

1. Predsjedniku
2. Dopredsjedniku
3. Gradonačelniku
4. članovima Komisije (5x)
5. Stručnoj službi Skupštine
6. Sektoru za koordinaciju politika i općeposlove  
- Odsjeku za općeposlove
7. Arhivi